



國家清史編纂委員會·文獻叢刊

清代詩文集彙編

國家清史編纂委員會・文獻叢刊

清代詩文集彙編

《清代詩文集彙編》編纂委員會 編

上海古籍出版社

清代詩文集彙編 六六二

補蕉山館詩二卷鄂跼草堂詩二卷三峯草廬詩二卷沁泉山館詩二卷

柳湄小榭詩一卷葭柑草堂集三卷續一卷 郭柏蒼 撰

遜學齋詩鈔十卷遜學齋詩續鈔五卷 孫衣言 撰 二二九

遜學齋文鈔十二卷首一卷末一卷遜學齋文續鈔五卷 孫衣言 撰 三四一

味經書屋詩存不分卷 寶 珣 撰 五九三

履綏堂詩藁八卷 海 鍾 撰 六二九

光緒辛巳

補蕉山館詩

鉞州丁亥敬敷隸

丁巳

補蕉山館詩卷上

侯官郭柏蒼青郎謨

讀書將樂縣高灘

癸未

九齡初識別隨侍勒加餐不見海東樹惟閉門外灘暮
新雛燕避窓暖野蜂攢春色閒居覺遙山已耐看

唐子樹義同遊西竺庵過廖誠江館

甲申

叢木通橋入傍崖戶半開江鯉風乍轉琴潤雨將來薄
醉經寒醒新花待暖裁相遇愛幽僻莫厭破青苔

冶山翠微樓別林華平

乙酉

補蕉山館詩

卷上

一

去遊滿江水歸看四山雲閉戶秋先入烹茶夜已分疎
星天末見寒雁露中聞握手復言別淒然驚鶴羣

葉子承昌同遊玉華洞

仰觀悟是倒生山物物離奇燭照開漸到洞門軒豁處
五更殘月夢初還

水南村舍

丙戌

窓外花枝畫拂檐暖風晴日睡慙慙隔溪鐘動僧歸飯
忽憶燕雛起揭簾

詠梅雨

丁亥

晴空忽見點如麻，繞到疎林便到花。後院小苔猶未濕，
鐘樓依舊夕陽斜。

讀書葉氏園

園在廣積營巷

戊子

日艾庭草種庭花，紅漸酣時綠漸賒。風雨春歸不覺，
又留新綠映窓紗。

娘子石

古冶山井民居地也

己丑

片石模糊尚可捫，微風淡月見游魂。世間多少含情語，
不及鍾娘五字渾。

鍾娘五字本姓

己丑冬移居井樓門外，開其地為秋塘書屋。

補蕉山館詩

卷上

二

百步卽城市，一邱宜養恬。花多蜂入戶，社近燕窺簾。面
水晨曦足，連陂豆塘看山晚翠添。了無門外事，罷讀坐茅檐。

雙溪庵過桑溪

辛卯

微風細雨裏，寒食清明天。溪草爭晴碧，山花向暖移。
秧歸隔浦分，水過鄰田欲。得無愁老為農井里邊。

秋塘書屋閒坐

壬辰

溪山佳處坐，涉趣卽圍亭。日日瓦檐下，遠峰對面青。時
看嘉卉秀，不用柴門扃。心境自寥廓，吾生亦稍停。

鄰霄臺晚眺

秋風散髮石臺西，繞郭煙塵入望低。坐對海門無一事，
半空斜日聽雞啼。

同蔚兄徐伯銘宿妙峯寺

江上初晴後，山門欲暮時。鐘聲催落日，燈火出疎籬。汀
晚行人沒，沙寒宿鷺遲。僧寮正清絕，壺酒不須期。

紅雨山房獨坐

梅逢冷眼初破蕊，山為閒情日送青。曉起鼓鐘清課罷，
微風吹展未翻經。

秋塘書屋夜雨感懷

癸巳

補蕉山館詩

卷上

三

南鄰西舍一籬通，野蝶山蜂過院同。好夢不離花事外，
春愁又入雨聲中。江湖作宦身何苦，城市論文意易窮。

更欲移家沙水曲，不煩人識板橋東。

予家板橋東

訪黃子銓宿雪峯寺話別

時欲令三水

甲午

時鳥啼深樹，忽然思訪君。野橋春載酒，細路曉穿雲。坐
久塵言息，心清花氣聞。故園梅放日，應讀嶺南文。

東山與林悟同遊

山徑暮春時，獨來與子期。雜花各賦色，老樹不多枝。佛
古巢蜂蠆，泉高飲鹿麋。桃源在人世，莫使捕魚知。

送羅源黃衡仲銓衡仲蘭社詩人
著有寄舫詩鈔

掛帆應待曙煙消杯酒重來話寂寥
月色蒼茫遠山黑寒雞啼滿一江湖

移居淨慈寺

廢寺深巷中又復傍山趾終日無遊蹤
獨坐動移晷午倦繞磴行老樹鬱可喜
言念二三子憑高恣遠視圓花與檐蕉灼灼若甚邇客至茶一壺客散書滿几與鳥共飲啄與僧同卧起晝夜任短長夢醒晨鐘裏

湛公祠

補蕉山館詩

卷上

四

羞將林下待除書喜有名賢日造廬
千古高人嚴出處從來時輩借吹噓
鳥山寂寞留片石宋室興亡賸舊居
我正煙霞無伴侶當年猿鶴莫躊躇

同高中翰澍然邱秀才亮采遊烏君山

捲簾見山色登眺日初斜
裊裊沿溪路冥冥背嶺鵝
眾泉趨一壑雜樹倚業花
更向前峯宿雲閒有酒家

杭川雜詩

青溪來不窮可坐畫橋東
春木含佳氣寒山轉化工
鳥聲風日裏詩思水雲中
歲序時光妙都從靜處通

補蕉山館詩

卷上

五

山城桃映日沙市柳連煙
新霽如名畫仲春似少年
風花行樂足詩酒得天偏
佳客招邀急橋頭日繫船
塘水朝朝漫汀雲面面連
春陰長作雨天意屬耕田
鷺鷥新苗外牛羊淺草邊
薄寒開望眼風物最娟娟
小院寒又暖芳郊雨復晴
花殘慵過蝶樹密穩巢鶯
藥裏梅天檢茶經穀雨評
村人報麥熟烏雀近無聲
欲乘南風棹去逐采蓮舟
綠樹圓高閣清波映畫樓
蟬鳴山寺靜鷺返水門幽
終日滄江上閒情對白鷗
江城無暑氣六月已如秋
水遠閒雲積風多密竹留
薄書長不見枕簟日相求
滾滾路歧客驕陽傍馬頭
鳴蛩近枕席頓覺衣裳單
樹色風前變江聲月裏寒
帶愁宜作客多病漸懷安
門外歸舟在歸期數去寬
桂花何處香檐月更清涼
海國歸期闊江村秋夜長
風高發砧杵雲淨見河梁
巢燕朝朝去虛堂可斷腸
暮秋物候遲水國更多悲
風盡枯蒲葉霜存古柳枝
遠山寒始見孤雁晚相隨
顧影復何事淒然近酒卮
蛙黾荒塘靜藤蘿小院萎
山寒梅有信籬晚菊多姿
日色霜晨薄鐘聲雪夜遲
村醪隨處有江上好相期

雪盡嶺逾青擁裘酒不醒凍禽依院宇寒菜耀畦町江
上寂無事柴門閒可扃鄰人賣魚去雲氣又冥冥

江邊無四鄰茅舍易相親橘柚登堂日魚蝦觴客辰年
華銷逸氣書卷老閒身默坐空庭晚雨中松檜新

雨後同何秀才長霖登邵武千峯庵

小雨初過霧未開芒鞋百折踏青苔一行歸鷺分明甚
帶着前山日影來

同張進士寬試茶烏石妙香庵

幾家門巷俯城頭佛火微明小院幽熱客閒人渾不識

補蕉山館詩 卷上

六

白雲芳草足淹留

江城如畫樓

壁間題
詠然

翠竹招遊展青山愛我曹酒腸對海大詩興到樓高梅
月閒如畫雲松靜作清今人甯可薄晚近有風騷

新晴淨慈寺山房乙未

宿雨縱愁眠乍晴漸悅目殘流出溪口層雲起山腹百
草日萋萋平臯暢遊牧農事及良辰微寒釋春服我亦
理短籬雨前先分菊豆架仍在牆瓜棚扶以木通泉澗
宿根開軒刪繁竹荷鋤旦晝閒粲然新小築棋局懶未

移琴牀淨可宿睡起飯已香客來酒初熟庶得終歲謀
琅琅展書讀

再遊宿猿洞飲湛仲謨祠

攜手訪良友出郭遊佳辰古祠轉巖曲細路循水濱小
鳥方關鳴山花自可親昔人謝軒冕日與木石鄰煙雲
眼中物富貴衣上塵我亦念窮達愧非廊廟身

同陳中翰登瀛遊長箕蔡嶺宿文陽題周志斌壁

嶺表重裘度行滕凍不支天空鳥去緩村小客來知野
店上燈早山雞唱曉遲定知百年後塵土滿新詩

補蕉山館詩 卷上

七

憶都下諸兄丙申

困頓縹緲客歸期緩緩何雁從天外少愁到枕邊多一
第羈人老千金作客過悠悠眼中事吾意在巖阿

同黃燭遊東山古嶺宿聖泉寺

步出城東門芳草弄晴翠及茲春辰遊芒屨暖可試遠
從東山下沿湖隨所至不覺碧溪深已到山半寺窺雲
雲連村蒼蒼松貼地夕陽滿平原萬象忽盈皆暮色動
新愁閒心得遐思惜此景物適時語促無次閑筆月滿
庭不見壁閒字

西園明嘉靖間王憲長應時池餘按王褒子筆聖筆主孫應鍾應時世能詩評竹間十日話

中美才名十子誇王家詞調本傳家少年詣闕曾題鳳
晚歲歸田合種花曹謝風流同笠屐弟兄觴詠共煙霞
當年風雨連林地草滿池塘獨聽蛙

石梁書屋故址丁酉

天台橋下蹟高士舊書堂一徑寒花落四圍瘦草黃去
官曾耿介捨宅更淒涼獨有題名石千秋受曉霜

同表弟林樹屏遊桑溪

惆悵尋故交出門欲何語荆棘雜道旁迴車愁蘭渚日

補蕉山館詩

卷上

八

夕好風來吹散天中暑原野曠且閒長歌吾與汝

同林秀才夢蛟遊高賢廢祠

不見殘碑卧夕陽客來無地薦椒漿遺祠決是吾曹責

大雅非如流輩狂八代吟魂春寂寂七城樹色晚蒼蒼

湖山羣哲留題處莫笑書生敢雁行

九鯉洋

野草閒花宜細雨丹楓烏桕愛斜陽憑他林館千門遠

不及秋郊一眺強

同僧清鏡宿九仙樓

按趾捫心意態狂獨留隻眼閑滄桑九仙皆睡佛一仙

雙眼雙眼弟兄共得登天路塵俗姑將一夢償世上人禽空

擾擾山前雲樹但蒼蒼吾生絕少未來想且借僧寮作

睡鄉

紅雨山房同戴秀才成芬合亭弟看月

夜色簾前近開簾望茫何處深山月暗潮上水燈多人
語出林樾鐘聲隔市河石欄清不寐片影過藤蘿

紅雨山房待黃肖巖戊戌

三日柴門已不開晚花坐看落萼苔忽聞風送煙中語

補蕉山館詩

卷上

九

知有人從巖下來

同僧鳳超遊石鼓山諸巖洞鳳超又名竹巖善行草能詩

尋僧結伴數里入松關飛鳥風前沒孤雲天外還意

中惟有海眼底更無山欲浣塵襟淨芒鞋那得閒

遊諸溪及田中和尚張利民宅

已見張氏村度溪復循麓沙徑接柴門芳草入茅屋日

落數點煙風上萬竿竹欲問此中人庶幾友麋鹿

由崙山抵泰輿八閩通志作崙山

不知身已出江鄉颯颯風聲欲達颺山與去舟爭上下

雲隨歸鳥共迷茫眼中漸覺無纖芥天下何非始濫觴
一夜醉眠過滄海醒來仍在舊河梁

太姥山

巖岫參差海氣漫長年常在雨中看容成空剩中峯鼎
大母難還九轉丹千古圖經多誕妄一時遊眺且盤桓
龍墩烏桕皆秀碧十月無霜葉未乾

登摩霄峯

兩峯相伯仲並立而屹起摘星新月二峯皆迫摩霄既出曉日中又
在白雲裏攀躋苦猿狖一落不可止崩湍瀉瀉岨嶢滑道

補蕉山館詩

卷上

十

喋唇齒永絕奔競風且謝超超恥羣山似土囊貼地錯
紅紫溪流若襟帶與山相邐迤天風吹海明粵嶠偶可
視溫麻數點烟五虎平如砥萬類皆有際無際無眼耳
星辰已可摘杖策何足倚令人思泰岱此興直萬里

遊大龍井見松上鶴巢詠以別許都閩

千年松樹是誰栽鶴去巢空雀自來天下原無常住客
掌中那有不停盃到頭世事皆如夢覆手人情但可哀
何處園林是舊主再來樛栾莫驚猜

遊摩霄峯贈蕭山蔣及姚明晃

世慮日以淡方知塵外閒書聲紅樹杪燈火白雲間
酒寒燃竹尋詩晚看山不因時訪友無事出禪關

十月三日別太姥山

萬樹松聲作翠濤碧巖巢鶴入雲高一節俯仰乾坤大
十載飄搖身世勞野語無心幾太古寒泉獨酌勝醪醪
扁舟來往無人識欲隱姓名藉緇袍

登劣削峯宿白雲堂

鐘聲不斷出松關路轉煙霞七里閒天外迷茫看大海
峯頭指點數南蠻雨殘巖樹留雲宿日暮山僧導客還

補蕉山館詩

卷上

十

一夜塵心無處著門前潭水正安閒

尋剛顯廟故址

小隱烏山者如君實壯哉白膏鄉夢斷芳草客心灰
舉節上高臺
酒山風冷招魂暮色來梓太朴詩成設茶果於山南祭之且將千載恨

舒獻巖已亥

懷抱久不展深思鸞鶴羣偶來發清獻餘音和白雲
近入僧舍

石上雙松

于麓天開圖書樓為明鄭少參遂所建
戊戌得英地而修葺之祀公於前堂

樹位蹇各具奇絕勢
石落成隨作五咏

雙松在巖間藤蘿遠相向虬枝擘空高引蔓亦無量雲
濤藉聲施蒼翠眩眈望小草得深陰不知誰所障歲暮
風霜深天心獨有尚

補蕉
堂前隙地
補之以蕉

種蕉識代謝結果不重榮可知造化意相與在有成老
蕉敗葉折欹側掛檐樞新蕉舒夕露卓若翠旗明長覺
窓几暗那知庭院晴夕陽滿牆角忽作風雨聲

老柏

補蕉山館詩
卷上

十三

老柏傾欹蔭行路屋裏見根不見樹柴門只合閉桃李
此樹要與風雲遇長年葱鬱萬綠羞一望蕭森凡鳥懼
居高獨受雨露恩瓜葛藤蘿烏敢附山中直木近應童
論材屢得良匠顧世間繩尺漫短長矮巷窮檐那得厝
但願長依里社青不堪終傍廟廊蠹

老竹生筍

山園歲久宿根深蓬艾陰陰不可尋十日春雷又春雨
半空看汝作龍吟

巖間二梅空嵌偃倮堵以數木

補蕉山館詩

高人賞識動咨嗟奇古從來怯畫家
汪志周楊錫皆累
圖不能盡其狀

甘向巖間同俯仰

甌甯許秀才廉線修武夷山志墜巖死
著有平遠堂詩

九曲峯頭路吟魂日夜過死奇曾是天詩好不須多教

雨茶誰寄名山志永訖年年江水滿愁絕憶巖阿

擬古和李秀才劍鐔
鐔巧平卒無子
詩清爲惜少傳

深恩報答難一死若爲輕至交有微言反得涼薄名居
貞以待諒抱歉以爲情春草不恆綠眾流無永清百年
歎息盡物態多枯榮西山夕陽下東壁新月明澄心觀

補蕉山館詩
卷上

十三

得喪庶幾怨懷平

補蕉山館同黃燭看月題巖間

荒雞猶未唱白露猶未圓疎星忽以高月色著人寒起
坐百十所遐想千萬端當年樓上客夜夜亦曾看三歎
起題石與子長盤桓
予題石上曰黃宵巖
却兼秋四更坐月

同德明吉永宿蒙泉山館

晨從羽客遊暮看飛鳥沒茶鐺行屢移戀此深邃簷竹
裏得清泉松陰仰初月清芬溢齒牙新涼入毫髮詩篇
澹欲成坐待餘興發

山居寄林生穀貽 庚子

城市常苦熱山中不厭晴四圍高樹合終日亂蟬鳴曉
起識天趣閒居見物情寄言同懷客軒冕莫相縈

四更坐月石

明月在庭階夜久不可坐蟲響入風高竹影動瑣瑣白
露戒微涼物候過流火感此搖落心青天羞對吟登高
欲望遠復恐聞寒砧

同漳平黃秀才河清游玉雨山房

澗曲泉難別篁深鳥不知荔香開曉露石色借晨曦避

補蕉山館詩 卷上

十四

暑連看月登樓每有詩安能移枕簟還往可無期

過千里眼廟遊通谷巖宿借借室

大哉此樟樹蔭我下前溪近水草痕活夕陽帆影低巖
虛風忽起谷暗石恆黎江上名賢籍何時細品題 秀農兄曾

撰洪塘江歷代名賢小傳嵌諸寺壁

將軍灘 自延平城外轉入西溪至上游一百三十里中遇黃石燕子巖將軍灘城門龍孔

地險

猿飲羣負笮跳叫作蛇行泉雨晴天暗香燈小廟明身
危資暇禱 舟人請於巖廟 灘險憶平生 平生不作虧心事

點波灘頭 水陸皆窮絕閩川性命爭

同伯兄新甫宿先澤縣茶富別邱秀才亮采亮宗

賞識名場愧並肩招邀幸着祖生鞭 訂壬辰新甫北行即踐行裝久訂登雲磔話舊兼來宿輞川撲地樓臺共霜

月暖空松檜自風煙清宵莫唱陽關曲 家畜 淚盡君家惜別筵

由梅坪洲過雲礫嶺 過嶺鉛

裹飯登空露未晞白雲故故傍人衣山如奔馬辭街逸

水作游龍破壁飛困頓有時還自笑孤高終古欲誰依

補蕉山館詩 卷上

十五

不爭名利世途坦試聽樵歌下翠微

驚湖

驚湖桑柘幾村莊魚種初登鴨市忙門外菰蒲收麥飯
舉家終老水雲鄉

廣信途中雪後遊汪氏園

疎籬幾掩入芳園雞犬桑麻自一村雪裏長松觀飛瀑

後門山色勝前門

除夜宿玉山縣城外

驛館閉門雪意閑新盆蠟炬照杯盤入春浙水拍船大

竟夕玉山對客寒長路家貧多記憶微名親在獨艱難
江頭漁艇推蓬早一例高眠任歲殘

雪後同惠叔心兄遊嚴先生祠登釣臺踰小嶺過

謝皋羽西臺 辛丑

山如垂乳兩臺懸臺俯春江一縷妍石磴踏殘千級雪
茅檐寒破數家煙西風擊節歌空壯南渡偏安鼎已遷
留得先朝遺老在主持風雅站湖邊

登六和塔

金碧臨空此大觀南邦雄鎮獨憑欄西湖欲向眼中盡

補蕉山館詩 卷上

六

滄海又從馬上看 六和塔思 風力七層噓碧落濤頭一

線壓狂瀾江天渺渺歸鴉小雪裏題詩不覺寒

登葛嶺飲抱朴子墓

堯舜以上無神仙天子庶人多大年孔子刪書唐虞斷
別紀首載有偃佺隱處山谷無作用七竅未鑿全其天
渾渾噩噩如木石頑然雖壽實可憐白日飛昇無人見
符錄鉛汞空連篇抱朴書成卽蟬蛻葛嶺之墓將虛傳
信然神仙亦有死今我已在神仙前初陽臺畔朝瞰上
霞氣海氣紛毘連漫天松竹散青靄千年城郭浮蒼煙

長歌對酒天地闊醉來視死如高眠獨有神仙不可接
世閒丹井胡萬千

花翁墓

恰當詩禁老煙霞樂府雖傳已可嗟身後有朋祠祭產
生前無子看栽花墓田今傍水仙廟魂魄應歸處士家
縱是湖山多隱逸寒泉分薦不為奢

過蘇小小墓

相如一賦已通神後世誰能繼感甄不藉美人難動聽

漫將抔土覆湖濱

補蕉山館詩 卷上

七

湖山埋骨有前因隱者詩人死卜鄰何必錢塘一蘇小
且書疑塚試遊人

正月冒雪遊靈隱寺宿上天竺

帽簷密雪晚紛紛眼底湖山漸不分淺水小魚羣始見
喬林鳴鳥遠先聞一峰宮殿摩空立十里香花匝地焚
暫許此身超境外疎鐘敲夢落寒雲

雪後遊淨慈寺

淨慈今寶刹慧日古禪宗地得湖西勝山潛隱者蹤曉
鐘清雪徑夕照滿雷峯安得雕龍手同攜大宛節

岳鄂王墓

松柏蕭蕭行人拜此間不必說從軍京陵諸寢無人問
歎息來登湖上墳

閨門元夕

皓月當樓燈照眉夜深簾幙一齊垂吳歌楚舞紛無數
更憶山妻井臼時

西施

吳王氣日驕越王膽嘗西施作嫫母其國富不亡豔
色天所吝合以侈靡償後世粉黛質傾國良可傷若非

補蕉山館詩

卷上

六

越溪女誰今憶吳王

夜登真娘墓

美貌不十年古墓草芊芊詞客題詩罷佳人千古傳生
曾傷薤露死尚傍歌筵世上無名妓長藏買笑錢

同光澤傳同年方祁新甫伯兄渡孟河

滄海將歸際羣川並到頭無風還作浪不夜獨行舟身
世鴻毛似金焦芥蒂求欲辭旦暮險惟有學沙鷗

宿焦山寺

歸潮拍棹酒初醒不見崖頭瘞鶴銘昏暮易求惟水火

風濤何處是居停江收眾派涵河白山疊上流入楚青
無數峯巒寒繞寺霜鐘未許世人聽

遊金山

波濤相往還閃爍於其間金碧都在水樓閣大於山大
江割南北地勢分荆蠻中流恣眺望落日明天顏際海
故鄉遠踰淮前路艱山僧不出院意態何安閒名泉供
嗽嚼高卧忘賢姦我登世途扣此利欲關又理天邊
棹遠辭江上鬟匆匆謝江神臨發還躊躇

曉渡揚子江

補蕉山館詩

卷上

九

淅淅向瓜州風帆下上舟金焦各山色吳楚共江流地
勢分南北天文帶女牛坐看波浪闊身世不勝愁

趙北口聞歌

落日驅車過趙北黃雲壓天天如墨風舉蒹葭蘆沙石飛
馬不得槽人絕食重裘蒙首若無衣小屋叢燈怪昏黑
歡愉愁苦互相乘慘淡何嘗絕聲色扣門歡笑行調琴
箏琶檀板隨淺深倚肩私語對客立歌喉漸高絃漸急
淒音動地笳角避飢鳥哀鴻向天泣世間不少輕薄兒
莫漫逢人便鳴咽道旁相送是何心月上階除微雨溼

遊西山

大行來遠脈綿亘忽成峯天到居庸異途歸北直衝風
沙吹黯黯雲瀑下溶溶日暮驅車去關河深幾重

春晚再過崇效寺

門前剩得是青苔車馬無聲徑絕埃誰道禪林空色相
牡丹開過少人來

別蔡子振武

羨人程程酒空酣感子杯盤約再三身世寬閒貧亦樂
文章疵謬死難甘一天雨意添行色萬里歸心入夜談

補蕉山館詩

卷上

二十

正是平時宜厭納莫將藻飾旅朝參

別郭庶常禮圖

公車八上氣猶豪元筆重抽試彩毫都下文名原不爽
鄉閭人品更誰高離愁黯黯長無着歸路茫茫遠莫逃
快向河橋折楊柳免君相對忽牢騷

南西門外別伯兄新甫入涼州

時蔭兄任甘肅道

曉月淒淒落輕車滾滾行名場原是夢連別更何情度
隴雄心在還山寶劍鳴萬方今靜謐吾輩合歸耕

再過汶上

補蕉山館詩

僕僕果何為驅車此往還微名原有命大隱不須山城

郭黃塵外川原落日閒昔賢擇木意一語已班班

宵行宿桃源黃河堤上

短堠長亭若送迎疎星遠火不分明黃河挾纜半空度

南雁隨人永夜行天入徐邳雲慘淡嘉慶間漢樓淮揚大府以戶多賦大

徐邳導法轍通皖豫水縱橫金門挾策歸來晚忍使高堂屢

計程

隋山光寺

河濱古寺晚蕭蕭寺外香墳任採樵不見錦帆飛畫鷁

補蕉山館詩

卷上

廿一

尚留衰柳咽寒蛩鼓鐘寂寞暹千載金粉銷沈易六朝

只有山光似當日仙蹤鶴語杳雲霄

遊平山堂

平岡宛似獨行處地脈何曾與蜀通嵯冢一支踰淮盡
金陵諸嶂隔江雄三州雲樹虛堂外百里樓臺夕照中

更向竹西歌吹路二分明月畫難工

金陵別王叟珽與蔣星槎東下

醉卧江城賣酒家江頭朝夕變雲霞一身進退看華髮
千古興亡付夕鴉旗脚風迴船已解歌筵淚盡月初斜

王孫芳草無窮思一棹東流趁落花

月夜長江舟行寄王叟珙

江月已高風已迴楚船吳榜爭先開客子速發眾賓散
惟有水月相追陪水光茫茫月皓皓回首江城跡如掃
青山入畫忽昨日美人如花已遠道江月攬將萬古愁
獨來照人令人老長江變酒亦何為始信此別終草草
詩成江月正當頭寄言別淚溼瓜州

曉同陳三英吳伯敬二同年渡揚子江

又是青山返故廬片帆安穩載琴書過江天遠行雲外
補蕉山館詩

卷上

三

隔岸山多夜雨餘流水比愁宵更漲名心如夢曉終虛
一竿在手生涯足只合深溪老釣魚

閏月遊蔣山

沛邑原來王氣鍾秦淮枉鑿作游蹤六朝宮殿沈芳草
二姓園池入曉鐘揚子樹齊春已杳秣陵天遠鳥難逢
名山強半歸高隱我欲隨人占一峯

蒜山

江流入夏壯彌覺蒜山低瓜步遠欲失伏牛青與齊泊
舟辭浩瀚撓勝免攀躋何事多時立夕陽京口西

京口宿蔣生翠茗精舍

泊船又是晚涼初無數小山青雨餘雲外鐘聲來北顧
潮頭月色過南徐一燈對酒庭階靜盃茗園棋枕簟虛
別後門前好風景細鈔詩卷護魚書

鐵甕城外別星槎

共是天涯落魄人無端杯酒漫相親名花偏與華筵近
皓月長於綺閣鄰蠟燭有心將永夜荒雞無意漫司晨
平生愧作霓衣別北固山前一愴神

遊太湖

補蕉山館詩

卷上

三

輕帆得微風迢迢入震澤襲人不知寒駭浪威百尺旁
近失平林遠際沒山脊上感咸池氣下運蛟龍宅滄海
爭其深洞穴貫地脈河嶽相感通此理問開闢杯茗尚
芬溫遙天但清碧峯巒靜相待水面平如席積厚光自
流舟泛不知夕沙鳥啾啾過蘆月娟娟白乃悟造物奇
變滅了無迹

遊沃洲山夜宿天姥

道氣漫山支遁居風流王謝共襟裾峯巒劈面迎天姥
樓閣辭人接太虛風色晝連滄海暗鐘聲夜落剡溪疎

歌謠簫鼓神仙遠寂寂僧窓月上初

遊會稽諸山

赤城踏過足無塵天姥歸來語有神萬派瀑泉開洞府
並溪樓塔讓嶙峋山形聳踊趨間急天色空青抵海純
履齒已尖歸思切渡江又是下方身

同遊以飛鸞白鶴為險阻促由仙霞

關入

土城山懷古

苧蘿山下兩佳人麗質駢肩出採薪嘗膽怨深吳已沼
滌紗功就石生塵斬蛇赤帝終吞楚扛鼎重瞳枉舉秦

補蕉山館詩

卷上

苗

興廢不關聲色末年年春草土城新

夢筆山江文通祠

索筆依然夢筆人文章前後豈無因六朝詞客知多少
獨有君才屬鬼神

同吳同年伯敬蔡秀才元祁游宿猿洞湛公祠

棹榔侵杖屨遊蹤自昔稀喬松存古廟野水沒苔磯月
白猿聲斷山荒鬼火微世人殷進取那肯老巖扉

哭漳平黃同年河清

天許庸愚坐白頭才人終古半浮漚蛟龍不識黃郎面

補蕉山館詩

少齋臨稿笑傳年僅十七牛女應添七夕愁

少齋父棠已亥鄉舉年丑同試春官歸娶七夕

舉家沒於蛟水

三黨枕尸橫檣櫓九京聚首泣松楸

紅雨山房之小洞天曲徑盤紆旁多梧竹君每秋試醉臥

殊倖

登鱗次臺寄洪塘徐少山

颯颯秋風下夕曛披襟長嘯眾山聞羞將故我看明月
幸有新詩寄白雲望遠多情徒灑淚愛才無計況離羣
當年名蹟蒙苔蘚愁讀荒臺石上文

同林秀才穀貽尋太虛亭故址

補蕉山館詩

卷上

廿五

百洞空嵌烏石青隱廬高並太虛亭銓曹絕代傳公道
儒術千秋繼古靈閣草天心知往復

崇相先生有紀堂書天心閣匾在

今尚存

村開水利得圖經

龍塘各鄉浦畝多崇相先生所闢斜陽芳草山陰立老樹啼鴉不可聽

梅花贈黃肖巖

野火不得蕪樵人到亦難年年巖石上開與雪霜看

補蕉山館詩卷上

補蕉山館詩卷下

侯官郭柏蒼青郎謨

江城如畫樓早望 壬寅

城市煙初動僧樓日已遲暖風看柳變宿雨有花知海
動蛟龍喜烽傳燕雀悲又安今已久防患可無辭 七月

夷人陷厦門

獨遊積翠寺

花竹成幽徑尋僧止獨行柴門向野靜春水繞田明坐
對千山暮眠聞一鳥鳴偶然親梵宇猿鶴莫相驚

補蕉山館詩卷下

東山拜許給諫天錫墓 墓碣大書賜一品服
祭葬祠江許公之墓

累朝國事誤權璫臺省瞻狗氣不揚樞要豈容雜猥狒
與臺幾見厥膏梁捐軀忍受中官枉懼禍空將諫草藏
幸得訟冤重表墓千年風節見椒漿

五日西湖贈林澹

不是貪歌舞言來此地遊青山都在水白眼獨登舟相
對神如月微吟意帶秋何時賦招隱聊與傳高儔

烏石山志成

半生淹古寺越郡訂遺文荒僻窮搜討空疎少見聞名

山共名輩題石勝題墳 篆書徑尺餘題郭青臺前石上
曰道光壬寅秋朔山志成邑人

郭柏蒼同劉永松黃宗彝弟
柏齋會觴於此永松書石一片巖頭語終焉在白雲

同羽人吉永遊永福姬巖至高蓋山

雞鳴整杖策徐行扣巖扉忽逢天外客同採山中薇不
知洞戶幽漸覺草徑微怪石作萬狀老樹皆十圍陰陽
自向背竅竅各不違俯仰忽變態所遇旋復非置身在
高遠欲步已無依嵐光羅靄靄泉雨紛霏霏知有雲中
泉其源不可晞一落動千丈末流將何歸憑高與就下
初心本幾希我為山流連更為泉歔歔揖別龍都峯此

補蕉山館詩卷下

身去如飛再來苦無日回首涕泗揮君看載酒處數峯

伴落暉

同老道人咸喜遊大雄淵小雄淵下步諸溪

十年不濯足漸覺塵慮生重淵一日遊十年無俗情深
溪初繫棹露重花卉傾陰島旋拄杖日出蒲葦明眾竅
得風號懸泉與石爭山僧出苦茶敲火漱且烹齒牙既
已淨肺腑亦以清停泓鑒毫髮老態無能名流漸自宛
轉曲曲變其聲出山戴舟楫瀾瀾兩岸平欲知東海大
濫觴君莫輕